

آبونه شرائطی

ممالک عثمانیه ده سنه لیک (۶۵)، الق
آبونو (۳۵۱) غروشدور .

ممالک اخصیه ده سنه لیک (۱۷)، الق
آبونی (۹) فرانقادر .

اداره خانه

باب عالی جاده ستده دائره مخصوصه

اضطرابات

آبونه بدلی پشندور .

§

مسلكه . وفاق آثار مع الممنونیه قبول
اولنور . درج ایدله بن یازیلر احاده
اولونماز .

الکلیت

۱۳۳۰ (۱۳۳۰) ۱۳۳۰

اضطرابات

رساله مزمن آلمدیغی کو-تولک شرطیله
یتون یازیلر هر هانکی برهزته طرفدان
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومردن محتری
بولونمسی لازمدر .

§

ممالک اخصیه ایچون آبونه اولازلر
درسلیرشک فرانسرجه ده یارلمسی و ما
اولنور .

§

پاره کوندرلدیکی، ان نهینه د ثراول یغسک
واضعا بیلدیلمسی دجا اولنور .

انسان مسئلہ وجودی ایک متناقض صورتہ حل ایتشد۔ برنجیسی خل خیالی کہ ، روحک موجودیتی اثبات واندن ماعداسنی انکار ایدر۔ ایکنجیسی حل مادی کہ ، روحی انکار و مادہ بی اثبات ایدر۔ مذهب روحی بوایکی متناقض حالری مزج ایدرک بر نتیجہ وسطیہ استخراج ایدیور۔ یعنی ہم مادہ، ہم روحک موجودیتلری تصدیق ایدیور، وھیچ بریسنک یوقلغنی ادعا ایدرک قدرایلر و کیتیمور۔ اللہک موجودیتی ایسہ بوایکی موجودیتک فوقدہ کوستریور۔

سقراط فلاسفہ روحیونک الک اسکیلرندندر۔ فلسفہ بی انسانی ا کلامغہ حصر و «کندیکی بیل» حکمت جلیله سنی رهبر اتخاذا ایتشد۔ عجا بویله بر بحثک نتیجہلری نہ اوله بیلر ؟

شہسز ایکی حال مشاہدہ اولنور : برنجیسی ادراک ایله مصحوب ، ایکنجیسی ادراک وارسه۔ برنجی حال روح نیان قوتہ، ایکنجیسی جسمه عزو اولنور ، ایشته فلسفہ روحیه نک خلاصه سی بودر۔ افلاطونک خیالی ، یاخود مادی اولدیغنه دائر آئارنده ہیچ بر نص صریح یوقدر ، بو، آئارندن صراحة ا کلاشیله میور۔ بعض آئاری مطالعه ایدنلر انک خیالی اولدیغنه قانع اولورلر سده ، دیگر آئاری او قویانلر روحیوندن اولدیغنه حکم ایدرلر۔

ارسطو ایسہ روحیوندن ایدی۔ انک سوزلرندن «بتون عالم ایکی عالمدن یعنی بر عالم روحانی و بر عالم مادی» تشکل ایتدیکی قناعتده بولندیکی کوربلیور۔ ارسطونک مافوق الطبیعه علمنده کی افکارنی شویله جه تلخیص ایدہ ییلر : «عالم موجوددر ، کذلک الله موجوددر ؛ فقط هر برینک بر جوهری وکندینه خاص بر شخصیتی وار ، که هر بری جوهر و شخصیتی ایله ایکنجیسندن متفرد اوله رق یشایه بیلر۔ مع هذا عالم الله ایله مرتبطدر۔ فقط بو ارتباط خالق ایله مخلوقک ارتباطی دهکدر۔ الله محض خیردر ؛ هر شی نهایت اوکا رجوع ایدر۔ الله کندی قوتیله عالی تحریک ایدیور۔ انی دفع ایتبور ، بالعکس جذب ایدیور۔»

فلسفہ جدیدہ نک الک بیوک قهرمانلرندن فیلسوف «دهقارت» ی روحیونک الک ایلری کلنلری آره سنده صایماق قابل دهکلدر۔ انک فلسفہ سنی اولجه ذکر ایتدی کمزردن بوراده تکراره لزوم یوقدر۔ کذلک فیلسوف «لینز» ک یازیلری کندیسنی بعضاً خیالیوندن بعضاً روحیوندن کوستریور۔

اون سکزنجی عصرده فلاسفہ روحیونک عددی پک آذر۔ بولردن (لوق) ایله تلیدی «قونداق» شایان تذکاردر۔ المانیاده ایسہ اون سکزنجی عصرده ظهور ایدن «قانت» روحیوندن صایله ماز؛ چونکه بو نوع فلسفہده خصوصی بر مذهب صاحبی دهکلدر۔ بتون یازیلری بومذهب حقنده فلسفی و عقلی بر تنقیددن عبارتدر۔ بوتنقیدلرنده دهقارت فلسفہ روحیه نک اساسلری ضارصیور۔ قانتک تلیدی فیلسوف فیخته روحیوندن پک اوزاقلاشیور۔ بونک تلیدلری «شلیخ» و «هگلم» روحیونه دها مدھش حملہ لرده بولنیورلر۔

کوره ییقامقده : صو آقسون، آفسون انحق محل غسلی ایصلا تمق کافیدر۔ مجردہ بیان اولندیغنه کوره ایصال متعذر ویا متعسر اولان محله صوی ایصال شرط دکلدر ، بو کا مبنی کوزی ییقامق شرط دکلدر۔ چونکه مضردر۔

درمختارده بیان اولندیغنه کوره قادینه باشی ییقامق ضرر ویرر ایسہ باشی ییقامنی ترک ایدر ؛ بمضیلرینه کوره باشی مسح ایدر۔ قاش، بیق، صقال صبق اولور ایسہ قیللرک دیبلرخی ییقامق شرط دکلدر۔ ائمہ حنفیه دن ابوبکر محمد بن فضل البخاری نک بیانہ کوره قادیلرک صاحبی اورکولی اولور ایسہ صاج اره لرینه صوی ایصال شرط دکلدر۔ چونکه بوحال حرجی موجبدر۔ حتی ارککلردن صاحبی اورنلر بولنور ایسہ انلرده قادینلر کی صاحبی اره لرینی ییقامق شرط دکلدر دیانلرده واردر۔

الحاصل ضرورت و حرج اولمدقجه صوی محله ایصال شرطدر۔ فقط ضرورت و حرج ، تعذر و تعسر بولنور ایسہ محله صوی ایصال شرط دکلدر۔

دیش مسئله سنده ضرورت و حرج واردر ، صوی التونک ویا کوشک آلتنه ایصال شرط دکلدر۔ دیش مسئله سنده ضرورت بولندیکی و ضرورت بولنان محله صوی ایصال شرط اولمدیغنی فقهاء دین بالاتفاق تصریح ایدیورلر۔ اختلاف الحق التونک استعما لندهدر۔

مقلد بلا دلیل ، محقق عن دلیل اقرال مجتهد فیهادن برینی قبول ایدر۔ آرتق مصلحت عصره اوفق ، ناسه ارفق اولان محمد علیہ رحمة الصمد حضرت تلیرتک قوی موجبجه دیشی التون ایله باغلامق ؛ قاپلامق ، طولدور مق ، التون دیش طاقق جائزدر ، بالاتفاق دیشک آلتنه صوایصالی شرط دکلدر۔ غسل صحیح ، التون استعمالی جائزدر۔

ازمیری

اسماعیل حق

فلسفہ

فرید وجدی نک آئارندن :

روح انسان

«فلسفی، علمی بر بحث»

۵

فلسفہ روحیونک بقای روح مقدرہ کی فکرلری :

روحیون ویاخود «spiritualistes» نامیله معروف اولان طائفہ فلسفیہ ، فلسفہ نک الک اسکی واک چوق هم فکرلره مالک اولان قسمی تشکیل ایدرلر۔ بوفلسفہ نک دیگر فلسفلر آره سنده کی موقعی ا کلامق ایچون آئیده کی ایضاحاتی ویریورلر :

روح حقنده فردی منزه بیدر :

فیلسوف « ویس » « لاروس » محیط معارفنده روح حقنده شویله اداره کلام اییدیور: « اگر روح کندی صمیمیتندن، آنی ماده نك درك اسفلندن تخلص ایدجك وحب ذاتندن اوزاقلاشدیرجق دیگر بر روح استتباط اید بیلیرسه؛ اگر انسان صبر و مجاهده ایله بو حاله واصل اوله بیایرسه حظیره قدسیهده ارواح غایبه ارسنده یاشار. بو حاله واصل اولامازسه حیوانی بر صورتده امرار حیات ایدر. وابدیته نائل اوله ماز. بالعکس انك حیاتی حیوانات واشجارك حیاتی کبی زوال بولور.

عرب فیلسوفنك روح حقنده رأبری :

علامه نظام الدین الحسینی بن محمد القنی النیسابوری غرائب القرآن تفسیرنده شویله سوبلیور :

« حقیقت انسان » بحثنده بن جوق عقلا اختلاف ایتشلردر. انسانه انك یقین شی اولان نفسنك کنهنی ادراك ایتمکن عجزی میدانده ایکن نفسندن ده اغامض، ده اسرار انکیز، وعقائدندن ده اوزاق اولان بر شیئ ادراك ایدمه یهرك ده بیوک بر عجز کوستره جکی بدیهیدر. بو اختلافاتی سرد ایدم جکیز. و حقیقتك بونلر ارسندن پارلامسنی تمی ایدرز.

علم ضروری انجق بر شینه اشارت ایدم بیلیمکه قابل اولور. مثلاً بریسی « بن » دیدیکی آنده بیلکی یارب جوهر مفارق، یارب جسم ویا اوجسمه داخل دیگر بر جسم ویانندن خارج اولان بر جسم ویا بر عرصه دلالت ایلر. کلامیونك انك جوقه ری « انسانی » تعریف ایدرکن « انسان اشبو ظاهر اولان هیكل محسوسدر » دیرلر. بوقولی، بدنك تغیر وتبدل دائمیسی تزئین ایدیور. بن کله سیله کنندیسنه اشارت ایدن حیاتنك ابتداسندن منتهاسنه قدر دائماً اودر. انسان اجزای بدنی بیلیمدیکی حاللرده بیلله نفسندن غفلت ایتور. قرآن کریمده وارد اولان نصوص جلیله نفسك بدنه مغایرتی اثبات ایدیور. مثلاً قرآن کریمده « ولاتقولوا لمن یقتل فی سبیل الله اموات بل احیاء » و « یا ایها النفس المطمئنة ارجی » و « النار یمرضون علیها غدوا وعشیا » آیتلری وارد اولمشدر. حدیث شریفده « اولیاء الله لایموتون ولكن ینقلون من دار الی دار » دیگر بر حدیثده « القبر روضة من ریاض الجنة او حفرة من حفر النار » کذاک معظم پیغمبرمزنك اوزون بر خطبه سنده « حتی اذا حمل الميت علی نعشه یرفرف روحه فوق النعش ویقول یا اهل یداودی لاتلعبن بکم الدنیا کما لعبت بی، جمعت المال من حله وغیر حله فالهناء لغیری والتبعة علی فاخذروا مثل ما حل بی » وارد اولمشدر.

بتون بونصوص شریفه نفسك بدنه اولان مغایرتی اثبات ایدیور. هر مملکتده اهالی نك میتلری ایچون صدققلر ویرملری، انلره خیرلی دعالر ایتلری، بر جوق اولولرك رؤیاده کورونوب بعض بیلنمیان شیلری اخبار ایتلری، بو اخباراتك طوغرو اولمسی، انسانك بر عضوی کسیدیکی حالنه کنندیسنك اسکینسی کبی اولدیغنی حس ایتسی، اهل

کتابندن بر طائفه نك مسخی یعنی تبدیل صورتلرینك نبوتی، جبریل علیه السلامك دحیه الکلبی صورتنده، ابلیسك شیخ نجدی شکلنده کورونملری، هپ بونلر بدنك هیچ اعتباری اولمیدینی افهام ایدیور. کذاک زانی فرجی ایله زنا ایتدیکی حالده، ظهیری اوزرینه جلد اولنیور. بوندن ایسه متلذذ و متالم اولانك او ایکی عضردن بشقه بر شی اولدیغنی ا کلاشیایور. بو ادله کلامیونك دعوالرینی ابطال ایدیور. اگر انسان داخل بدنده بر جسمدر دیه جك اولورلرسه هیچ بر عاقل: انسان بر طاقم اعضای کشفندن متشکل اولان جسمدر، دیمه مشدر.

بعضیلری انسان حقنده اختلاط اربعمدن مائی اولانی (یعنی قان) غایبه ایدن جسمدر دیمشلدردر. بعضیلری ده اختلاط اربعمدن هوائی وناریسی غایبه ایدن یعنی قلب ایچنده کی روح ویا خود دماغك بر جزء لایتنجیاسی، انساندر دیورلر. بعضیلری ده قلب ایلله دماغه حرارت غریزه دیلان بعض اجزای ناریه اختلاط ایدوب اندن انسان چیقدی دیورلر. بعضیلری ده انسان تکوین ایدلدکن صکره جسمنه کونشك ضیاسی طبیعتنده ناقابل انحلال بعض اجرام لطیفه نورانیه، آتشك کوره، یاغك صوصامه نفوذ ایتدیکی کبی، نفوذ ایتشدردیورلر. حق اتمالانك « ونفخت فی من روحی » قولنی بونفوذ نورانی یه دلیل اتخاذا ایدیورلر. صکره بدنده بعض اختلاط کشفه او انوارك انتشارینی منع ایتدیکنندن اونلر جسمندن انفصال ایدیور و او جوهره اولوم عارض اولیور.

امام فخرالدین رازی، ثابت بن قره نك بومذهبی حقنده بر مذهب قوی و شریفدر دیمش. بن ایسه (متکلم نظام الدین نیسابوری) بوکا جواباً دیرمکه: جوهر نورانینك جسمه نفوذی مسلمدر؛ فقط وانوارك بر طاقم اجرامندن انبعاتی وهلة قبول ایدیلله من.

دوام ایدم جك. القاهره :

عمر رضا

مفاتیح

یا تستر قالقارمش، یا خود ...؟

حریتدن آ کلامیان، حریتی نامتناهی بر فضای بی شعوری صانان جاهل، ایمان و اخلاق دشمنلربنه حریت و یرمک عینیلله تیمارخانه قایسنی آچوب مجنونلری صالیوریمکدر. آرتیق سز اولیکزده اولیل زنجیردن بوشانمش، راست کلنه صالديران، ایصیران، ده ویرن، آزن، پارچه لایان چیاغیلنلره بوتون شمول مناسیله احرارانه جیرلان کاه حریت اولمش بر مملکتده سکون جمعیت، حضور امنیت اوموکز !

حریتك، عقلی، منطقی، ادبی، اخلاقی، اجتماعی هیچ بر قید وشرطی یوقیدر؟ حریت لسان، کوزلرینی یوماراق، قولقلرینی طیقایاراق آغزینه کانی صاوورمقیمدر؟ حریت بیان، میلیونلرجه انسانلر و جداتی قاناتق، روحنی آغلاتق، حیاتندن بیزار ایتیمکیدر؟